

L'observator

Sèm lo 2 de febrìer de 2007.

-Me presenti, soi un observator. Vos pòdi pas balhar mon nom per paur d'èsser reconegut. Mon trabalh es de comprene lo comportament de las autras personas. Per aquò seguissi de contunh qualqu'un. Dempuèi qualques jorns, seguissi dònna Dupin. Ai pas apres fòrça causas sus sas costumadas de vida.

-Me sòni dònna Dupin. Dempuèi qualques jorns, me sentissi observada. Tot me gaita, tot me seguís. En mai, i a una rumor...se ditz que i a un observator en vila.

Sèm lo 15 febrìer de 2007.

-Fa ja doas setmana que seguissi dònna Dupin. Ai apres pro de causas sus sas abitudas. Vos ne vau parlar un pauc.

Cada diluns, se leva a 9 oras del matin, bota a pauc pres 1 ora e mièja a s'aprestar. Puèi, s'en va al mercat. Ieu, compreni pas perqué s'embèstia a anar al mercat, es long, es mai car que lo supermercat, podèm pas èsser segur de trapar çò que volèm, e i a sovent fòrça mond. Alara que i a lo supermercat qu'es mens car qu'i a mens de mond.

Aprèp, èsser tornada en çò d'ela, se cambia. Un còp presta, pren son gos que se sona Cookie e s'en va rejónher sas amigas al salon de tè de son barri. Passan quasi una ora a charrar. A environ miègjorn e mièg, dintran caduna en çò d'elas per manjar. Dònna Dupin acaba de majar a l'entorn de 13 oras 30. Un còp tot plan recaptat, se bota sus son canapè amb Cookie e aluca la tele. Parla amb son gos pendent 10 minutas e s'endormís cap a l'ora del repais. Ieu trapi qu'es pas fòrça plan de dormir tota la tantossada, i a fòrça causas de faire en vila.

Lo dimars, dònna Dupin a un jornada puslèu calma. Lo matin fa la granda matinada, se desrevèlha calmament. A miègjorn manja sovent una salada. Quand a acabada, recapta e neteja son ostal en entièr. Ieu trapi aquò puslèu plan, deuriái faire parièr.

Lo dimècres, deu acompanhar una de sas filhas a la dansa. Ensaja de demorar a pauc pres una mièja ora per gaitar sa filha. Puèi la daissa e torna en çò d'ela. Es plan d'èsser presenta dins la vida de sos enfants, pensi que dònna Dupin es un bona maire.

Lo dijòus de matin, partís d'en cò d'ela a environ 9 oras per anar quèrre son amiga dònna Cortes e van totas doas faire las botigas. Mas en realitat, fan mai de leca-vitrina, perque ensajan de pas utilizar fòrça d'argent. Aquò es puslèu plan per lor pòrta moneda. Puèi, d'amigas a elas las rejonhan per anar manjar al restaurant e anar al teatre la tantossada. A mon vejaire, dèu èsser agradiu de passar de temps amb sas amigas.

Lo divendres, a pas fòrça causas de faire. Del còp passa la jornada a se mainar de son gos. Li fa de calins, la brossa, la docha, e la mena al pargue. Al pargue, i a fòrça enfants que venon careçar Cookie. Trapi aquò fòrça minhon.

Lo dissabte, dormís lo matin e va faire de corsas la tantossada.

Lo dimenge, organiza un repais de familha, i a sos parents, son maris, sos fraires e sòrres, sos enfants, sos pichòts enfants, sos nebots e nebotas. A pauc pres tota la familha. Es fòrça plan de se recampar totas las setmanas amb sa familha, perque quand serán pas mai aquí, ne poirà pas pus aprofèchar.

Ara, ai acabat mon observacion, dèvi quitar la vila lo mai lèu possible. Mas çaquela vau escriure una pichòta letre a dònna Dupin per li explicar un pauc.